# D'ORPHEE.

ERTHOD personne illustre en cét âge barbare,

Où l'Amy veritable est vn tresor si rare; Amy discret, fidele, & digne de mó choix,

De qui l'esprit éclate aussi bien que la voix, Et dont la merueilleuse & diuine harmonie A d'vn feu tout celeste échauffé mon Genie. Cesse de réueiller auec tant de beaux Airs Echo qui se retire au fond de ces Deserts, Et qui plaignant-encor le trespas de Narcisse, A besoin de repos plustost que d'exercice. Laisse dormir en paix les Nimphes de ces caux Qui couronnant leur front de joncs & de roseaux, Sous le liquide argent de leurs robes superbes, Dansent à tes chansons dessus l'émail des herbes. Ne donne plus d'amour à la Reine des sleurs Qui fait montre à tes yeux de ses viues couleurs, Et qui prestant l'oreille à ta voix qui l'attire, Charge de ses odeurs les ailes de Zephire. Suspen cét art diuin qui peut tout enchanter, Et tien la bouche close afin de m'écouter.

R ij.

Comme le plus grand Roy qui soit en la Nature, S'est daigné divertir à faire ta peinture, Et tirer ton Portrait de cette mesme main Dont il a fait trembler l'Ibere & le Germain: Te veux par vn labeur qui dépite les Parques, De nostre amitié sainte eterniser les marques, Et grauer ton merite & ton nom dans ces vers D'vn soin qui les conserue autant que l'Vniuers. Ie veux chanter l'esset que la Fable ancienne Raconte d'vne voix moins belle que la tienne: Ie veux dépeindre icy d'vne viue couleur, Ce que tenta ce Chantre accablé de douleur Qui rendit à ses Airs les marbres pitoyables, Et sit dans les Enfers des progrés incroyables.

O Vand cét homme fameux dont la Lyre & la voix

Attiroient apres luy les Rochers & les Bois, Suspendoient pour vn temps le cours de la Nature, Arrestoient les Ruisseaux, empeschoient leur murmure,

Domtoient les Animaux d'vn air imperieux,
Asseuroient les craintifs, calmoient les surieux,
Et par vne merueille inconnuë à la Terre
Faisoient naistre la paix où sut tousiours la guerre.
Quand, dis-ie cét Amant eut accusé la mort,
Injurié les Cieux, les Astres & le Sort,
Et dit sur l'accident du trespas de sa semme
Tantost auec louange, & tantost auec blâme,
Tout ce que dans l'excés d'vn semblable malheur
Luy peurent inspirer l'amour & la douleur.
Il dressa le tombeau de sa chere Euridice
Dessus vn grand Rocher pendant en precipice;

Pour y passer sa vie & s'y plaindre tousiours Du cours infortuné de ses tristes amours. Il ne prit auec luy que sa Lyre fidelle Pour employer le temps à se plaindre auec elle: Mais ce rare instrument qu'il sceut si bien toucher, De nouueaux ornemens embellit son Rocher; Car le son merueilleux de ses cordes diuines Obligea les Forests d'enleuer leurs racines, Pour venir honorer de leur ombrage frais Ce mortel si sçauant à faire des regrets. A ses premiers accords on vid soudain parestre Le Noyer, le Cormier, le Tilleul, & le Hestre, Le Chesne qui jadis couronnoit le Vainqueur D'vne iuste pitié s'y fendit iusqu'au cœur. Le Cedre imperieux y vint baisser la teste Suiui du vert Laurier qui braue la tempeste. Le Palmier s'y pressa pour luy faire la Cour Cet exemple parfait de constance & d'amour, Le Tremble y vint couuert de sa feuille timide, Le Cyprés y parut en verte Piramide: Le Peuplier qui du Porend les bords honorez, Le Coudre deceleur des tresors enterrez, L'arbre qu'aime Venus, celuy qu'aime Diane, L'Erable, le Sapin, le Tamarin, le Plane. Le Cycomore noir, le Saule palissant, Le Bouleau cheuelu, l'Aubepin sleurissant, L'Abricotier qui porte vne moisson sucrée, La plante pacifique à Pallas consacrée; L'arbre delicieux qui produit les Pauis, Le Grenadier chargé de ses tendres rubis: Le Figuier, le Meurier, dont le fruit agreable Fut coloré de sang par vn sort deplorable. Enfin, depuis le Fresne ennemy des serpens

Iusques à l'humble Vigne aux bras toussours ram-

pans.

L'Orenger qui son fruit de sa fleur accompagne, L'Encens, le Violier, & le Iasmin d'Espagne, Attirez par le son de ses charmans accords, Furent de la partie & ne sirent qu'vn Corps, Tout à l'entour d'Orphée en ordre sa rangerent, Et de son infortune ensemble s'assigerent, Se mettans en deuoir d'adoucir ses ennuis En luy venant offrir ou des seurs ou des fruits.

Mille petits Oyseaux serrans leurs plumes peintes, Y deuiennent muets pour entendre ses plaintes: Là le Chardonnerer, le Tarin, le Pinçon, Escouterent à l'enuy cette docte leçon; Le Serin la medite, & l'aimable Linotte En forme en son idée vne petite notte. Iamais le Rossignol ce Chantre ingenieux, Cet Atome sonnant; ce poinct harmonieux, Qui messe en ses motets va si rare artifice Contre ce Champion n'ose entrer dans la lice. Là le Gey peu discret, se rend respectueux, La Corneille y retient son cry tumultueux, E le Merle touché d'vne douleur secrette, Semble y porter le dueil de celle qu'on regrette. La Chouette en leur troupe ose leuer le front, Et sans que sa laideur y reçoiue d'affront; Car sa difformité qui leur colere attise, Aupres de cette Lyre est en lieu de franchise. Il semble que l'aiguille ait fait adroitement, Ces animaux sans voix comme sans mouuement; Et parmy tous ceux-cy beaucoup d'Oyseax de proye Semblent aussi charmez, n'estre faits que de soye.

Le Lanier qui soustient, superbe & genereux, Void leuer des Pigeons & ne fond point sur eux: L'Esperuier au Moyneau, n'ose faire la guerre, L'Autour & la Perdrix, sont en paix sur la terre. L'Oyseau de Iupiter ce Monarque des airs Qui tient la region d'où partent les éclairs, Paroist haut suspendu dans vn profond silence Sans faire à ses sujets aucune violence: Le Heion dessous luy, plane d'vn vol leger; Et demeure sans crainte à l'ombre du danger. Ainsi la Majesté d'vne voix docte & belle, Suspend la tyrannie & la peur naturelle; Et sous l'authorité de ses charmes puissans Mille Peuples diuers sont tous obeissans. Mais cette loy parlante en cette aimable sorte Maistrise bien des cœurs de nature plus forte: Si les hostes de l'air respectent cette voix, Ceux dont la cruauté deshonore les Bois Et qui sur les troupeaux font de sanglans rauages, Ne sont point en ce lieu plus siers ny plus sauua-

La Biche & le Cheureul se treuuent sans danger Prés du Ccruier cruel, & de l'Once leger; Le Lyon dépouillant sa naturelle audace, Souffre qu'auprés de luy le Taureau prene place; L'indomptable Elephant dans cette attention Prés du Rinocerot n'a point d'émotion. La Brebis & le Loup suiuent cette harmonie L'vn sans aucune peur, l'autre sans tirannie, Puis que durant l'excés d'vn si charmant plaisir Ny l'effroy, ny la faim ne les peuvent saisir. La Bellette au combat peu deuant attachée, Laisse auecque l'Aspic sa victoire ébauchée;

R unj

Et son sier ennemy par l'oreille enchante Quitte auec son venin son animosité.

Là se viennent coucher en diuerse posture

Cent Animaux diuers de forme & de nature:

La frauduleuse Hyene, & de qui la beauté

Sous vn port innocent cache sa cruauté.

Le Cheual glorieux, symbole de la guerre, [pierre.]

Le Linx aux yeux perçans, dont l'eau se change en

L'Escurieu sautelant qui n'a point de repos,

La Marmote assoupie, & le Singe dispos.

Le Castor y fait voir sa longue panne rousse,

Le Porc-espic ses traits dont luy-mesme est la

trousse.

Le Tigre y met au iour son beau gris argente Qu'auec art la Nature a si bien moucheté. L'Ours y vient auouer que des douceurs pareilles Ne se rencontrent point au sejour des Abeilles. Le Sanglier y paroist dont le crochet fatal A terracé de Mars le glorieux Riual; L'on y void arriuer le Byson solitaire, La docile Girasse, & le laid Dromadaire. Là le Cameleon qui change si souuent, Se nourrit des beaux Airs d'vn Chantre si sçauant. Là se vient presenter la Martre Zebeline, Là le laisse rauir la pure & blanche Hermine. Le Chat que la Lybie enfante en ses ardeurs, Y fait profusion de ses bonnes odeurs: Le Grifon de son Or, & l'aimable Licorne Y donne pour tribut sa précieuse corne.

Voila comme en ce lieu de sauuages sujets Se laissent captiuer à d'aunables objets, 117

7 ( ]

1

ESF

QEQC

Se La

Po

## DV ST TRISTAN. 201

Et conseruent entr'eux vn respect incroyable, Ployans également sous vn chant pitoyable Et voila comme Orphée allege vn peu ses maux Durant qu'il les partage à tous ces Animaux.

Vn iour vne Bachante errant à l'auanture,
Vn vagabond recueil de dons de la Nature;
Qui mesme, auec Iunon disputant de beauté,
Ne luy pouuoit ceder que pour la majesté;
Vn Chef-d'œuure des Cieux, vn Miracle visible,
Vn objet adorable à tout sujet sensible;
Qui pouuoit tout rauir, à qui tout sembloit deu,
Donna dans ce silet parmy l'air estendu.
Cette ieune Beauté de Baccus échaussée,
Courut où résonnoit la douce voix d'Orphée.

Sa taille haute & droite estoit pleine d'apas Et comme la fureur precipitoit ses pas Sa jupe qui s'ouuroit au dessous de la hanche Faisoit voir à tous coups sa cuisse ronde & blanche. Ses brodequins dorez faits delicatement, Où l'on voyoit de nœuds yn riche ajustement En augmentoit la grace & donnoit connoissance Qu'elle ne venoit pas d'vne obscure naissance. Entre ses belles mains vn Thyrse elle tenoit Qu'vn long & frais tissu de pempre enuironnoit; Sa gorge estoit ouuerte, où d'vne force égale Deux petits Monts de l'ait s'enfloient par interuale. Ses yeux estoient brillans, & ses jeunes regards Lançoient innocemment des feux de toutes parts. Sa bouche paroissoit comme vn bouton de rose Petite, releuée, & n'estoit point si close Dans cètte émotion qu'on ne yid au dedans

Esclatter la blancheur des perles de ses dents.
Cette bouche qu'Amour tient entre ses miracles
Qui d'esprit de Iasmin parsume ses Oracles.
Son poil comme elle errant, s'épandoit sans dessein
Tantost sur son espaule & tantost sur son sein;
Et Zephir qui l'ensloit de son haleine mole,
Y souleuoit des slots tels que ceux du Pactole:
Mais dont l'aimable orgueil, émeu de tous costez,
Eust fait faire naufrage à mille libertez.

La voila qui souspire aussi tost qu'elle approche De cette résonnante & merueilleuse roche Où se forment des sons assez melodieux Pour adoucir le cœur du plus cruel des Dieux. Elle admire l'Autheur de la douce harmonie Qui desia dans son Ame estend sa tyrannie; Et bien qu'il soit d'ennuis & de pleurs suffoqué, Assis dessus vn banc dans le Roc pratiqué, Et que rien que le tour d'vn vert Laurier ne ceigne Sa longue cheuelure entre blonde & chasteigne; Il passe en son esprit dés le premier regard Pour vn ieune Vainqueur triomphant sur vn char. Dieux! quel charme secret se trouue en la Musique! Cette Beauté que trouble vne chaleur bacchique, Sent à ce rare objet, chasser de son cerueau Les épaisses vapeurs du bouillant vin nouueau, Et contemplant Orphée auec trop de tendresse Chancelle en vn instant d'vne plus belle yuresse. Elle écoute sa plainte auec tant de plaisir, Que desia sa raison prend loy de son desir. Son cœur abandonné de l'enfant de Semelle, Reçoit vn autre enfant d'vne humeur plus cruelle? Mais fust-il plus perside, & plus cruel cent fois,

Elle est determinée à receuoir ses loix. Desia l'Arrest s'imprime en son ame charmée, Qu'il faut soudain qu'elle aime & qu'elle soit aimée: Son effrené desir souffre vn mors importun, Elle auance deux pas puis elle en recule vn; Sa flame à s'affranchir treuue de la contrainte, Elle en rougit de honte, elle en pâlist de crainte, S'efforce de parler iusqu'à deux ou trois fois; Et sentant retressir le canal de sa voix Differe en cét estat de la mettre en vsage Iusqu'à ce que l'amour augmente son courage. A la fin s'approchant de ce beau Thracien Qui fut pour son malheur si grand Musicien; Elle luy dit ces mots pleins d'ardeur & de flame, " Cesse de regretter le trespas d'vne femme "Digne & parfait Amant de qui les qualitez "Donneroient de l'amour à des Diuinitez. ,, Vne belle auanture aujourd'huy t'est offerte "Pour essuyer tes pleurs & reparer ta perte; ,, Situ daignes porter ton esprit & tes yeux "Sur vn nouueau present qui t'est venu des Cieux. ,, Vn legitime bruit me donne autant de charmes "Qu'en eut ce bel objet pour qui tu fonds en larmes: "Heureuse en mon Destin, s'ils sont assez puissans ,, Pour prendre à l'auenir l'Empire de tee sens. A ces mots elle met la main dessus sa Lyre Qui l'assistoit toussours à plaindre son martyre.

Tem

he

ne

II.

Mais luy, qui dans son mal ne peut goûter de bien, La repousse du bras sans luy respondre rien. Et tenant à rigueur ce deuot sacrifice Se remet à chanter l'obseque d'Euridice. O dangereux effet d'vn insolent mépris

Qui remplit de colere vn cœur d'amour épris,

Iamais siere Tigresse aux forests d'Armenie,
Ne sit voir tant d'ardeur & tant de selonnie,
Alors qu'ayant suiui la piste du Chasseur,
Elle atteint de ses Fans le cruel rauisseur.
Iamais Aspic superbe aux beaux iours de l'année,

Ne sit voir tant de traits d'vne rage obstinée, Alors que du Passant la vieille mimitié A meurtry deuant luy sa sidelle mostié. Rien peut-il égaler la colere embrasée D'vne Beauté superbe, amante, & mesprisee? Le despit est si grand dont son cœur est atteint, Qui enstame à la fois & ses yeux & son teint, Elle s'en mord la levre auecque violence, Grauant dans ce rubis son desir de vengeance. Rien ne peut moderer ce surieux transport, Desia de ce qu'elle aime, elle a conclu la mort; Et desia sur le champ la main de cette belle Execute sur luy sa sentence cruelle. Son Thyrse en la poirrine elle veut luy cacher; Mais le coup destourné, porte sur le Rocher, Le bois vole en éclats, & la Numphe auec larmes Ne se void point vangée & se treuue sans armes, La terre en offre encore à son iuste courroux, Pour contenter sa rage elle prend des cailloux; Mon son bel ennemy n'en reçoit point d'offense Carsa Lyre & sa voix armez pour sa defense, Suspendent chaque pierre & par enchantement La font deuant ses pieds tomber tout doucement. Lors la Nimphe enragée au descspoir reduite, De peur des Animaux à la fin prend la fuite; En blasphemant le Ciel & le cœur inhumain Qu'elle n'a pû blesser des yeux ny de la main.

## DV S'TRISTAN.

205

Luy par cette merueille échapé de l'Orage, De l'effet de sa voix sent grossir son courage; Et s'asseure dessa de vaincre son malheur S'il peut bien appliquer ce charme à sa douleur. Dés lors d'vn doux espoir son ame ensorcelée, Pense voir des Enfers sa Moitié r'appellée: Il leue chaque pierre auec raussement, Et satte ses desirs de ce raisonnement.

" Puis que les doux recits de ma fidelle flame " Ont bien eu ce pouuoir dessus des corps sans ame

", Sçachons si la vertu de nos charmans accords

" Aura quelque pouuoir sur des esprits sans corps:

" Allons voir des Enfers la demeure effroyable, " Et taschons d'adoucir leur Prince impitoyable.

La nuit au cours de l'Ebre il se purissa; Inuoqua Proserpine, & luy sacrissa Vne noire brebis, vieille, sterile, ethique, De lait doux arrosce & puis de miel Atique, Lors qu'il eut de son sang, apres le coup mortel, Remply toute vne sosse à costé de l'Autel; Tandis que d'vne voix, humble, basse & plaintiue, Il conjuroit la Lune à cet Acte attentiue.

Aussi tost qu'il sut iour, pour aller chez les morts,
D'vn long manteau volant il se couurit le corps.
La couleur en estoit de la seuille qui vole
Lors que le vend du Nord tous les Arbres desole;
Le dessous estoit vert montrant qu'en son malheur
Quelqu'espoir se ioignoit encore à sa douleur.
Par les bouts d'vne écharpe auec art estenduë,
A deux agraphes d'or sa Lyre estoit pendue,
Ce Cedre resonnant, ce bois melodieux,

uy

Dont il scauoit charmer les hommes & les Dieux.

A costé du Tenare vne large ouverture
Vomit incessamment vne fumée obscure;
Et cette grotte assise en ces affreux deserts
Est vn sameux chemin pour descendre aux Ensers
Ce sut par cét endroit que cet Amant sidelle
Osa bien s'introduire en la nuit eternelle;
Et mesme sans frayeur devaler en des lieux
Où n'arriva iamais la lumiere des Cieux.

Chastes & doctes Sœurs, Muses qui le suiuistes Et qui dans ce dessein dignement le seruistes; Dites moy la façon dont il paruint là bas, Combien il rencontra d'obstacles sur ses pas? Combien de cris sissans & de clameurs funcbres Perçoient l'épaisse horreur de ces moites tenebres? Combien de noir Serpens & d'Hydres furieux De Dragons & de Sphinx erroient deuant ses yeux, De Chimeres en seu, de Scylles aboyantes. De Fantosmes glacez, & de Larues sanglantes? Les bleds d'un vaste champ par les vents agitez, Paroissent moins nombreux & sont plus arrestez. Mais sans s'espouuenter de ces fresles images, Nostre Amant arriua sur les sombres riuages; Et contre tant de cris & tant de vains abois, N'opposa que sa Lyre & le son de sa voix.

Caron qui le receut en sa Barque funeste, Creut d'abord que c'estoit le Messager celeste; Le beau Cylenien, de la Lyre inuenteur, Et qui de la Musique est si grand amateur. Ce Vieillard tout ensemble affreux & venerable, Fit à ce rare Chantre vn accueil fauorable,

## DV STRISTAN.

20

Et trauersant le sleuue auec contentement,
Pour mieux gouster sa voix, rama fort lentement.
Cerbere pour ouir de si douces merueilles,
Fermant ses trois gosiers, ouurit ses six oreilles,
Et sentit arriver vn sommeil gracieux
Qui ne s'estoit iamais pose dessus ses yeux.

Vn vaste Amphitheatre au centre de la Terre, Fremit incessamment des horreurs qu'il enserre: Là sur mille Rochers, hurlent les criminels Que Minos abandonne aux tourmens eternels. Là dans mille bassins poussans des jets de flames. En vn confus desordre on void plonger les ames. Les esprits malheureux l'vn sur l'autre entassez, Qu'on precipite apres dans des Estangs glacez. Là tout ce que les sens ont eu le plus en haine, Leur donne sans relasche vne cruelle gesne; La Nature y frissonne à l'objet du tourment Qui n'est pas supportable & dure incessamment. Et toussours en secret leur triste souuenance, Leur desir sans effet, comme sans esperance, Leur remors inutile en ces derniers malheurs, Et leur rage immortelle augmentent leurs douleurs.

En cette large enceinte où regne l'infortune, S'éleue de Pluton la superbe Tribune, Où souvent il preside en ce triste manoir, Sur vn Trône d'acier tout émaillé de noir. Si tost qu'il eut appris qu'auec impatience Vn illustre mortel demandoit audience; Il s'y vint presenter d'Ombres accompagné, Le poil tout en desordre & le front renfrongné, Ce front dont la sierté pleine de vehemence Montre assez de son cœur la barbare inclemence.

Mais cependant qu'il fait des signes de la main Pour imposer silence au peuple fresse & vain; Nostre Chantre sacré qu'vn seu celeste inspire, Retâte doucement les cordes de sa Lyre, S'enquiert auec ses doigts si tout est bien d'accord, Pour gagner vne Palme où triomphe la Mort.

Il voulut commencer par vn certain prelude
Plain de beaucoup de grace & de beaucoup d'estude,
D'excellens contrepoints, simples & figurez,
Des mestanges de sons vistes & moderez,
Où sa main s'égayant par de diuerses classes,
Forme auecque sa voix des sugues & des chasses.

Sa voix tantost est forte, & tantost ne l'est pas,
Elle monte bien haut, puis redescend bien bas;
Tantost elle gemit, tantost elle soupire, [pire;
Ou prend quelque repos, pour prendre plus d'emProduit auec merueille en ces beaux mouuemens,
Du graue & de l'aigu de doux temperamens;
Et jointe aux ners parlans dont elle est secondée,
Cherche des beaux accords la plus parsaite Idée.

Cette aimable harmonie imite le serpent,
Ondoye à longs replis, se retire & s'estend,
Et dans ces roulemens, d'vn artifice extréme,
Se quitte, se reprend, sort & rentre en soy-mesme;
Tandis que par l'oreille elle épand vn posson
Qui se glisse dans l'ame & trouble la raison.
Tantost elle languit, & tantost elle éclate,
Repousse, tance. & suit, r'appelle, appaise & slate;
Emeut comme il luy plaist la crainte ou le desir,

## DVSTTRISTAN.

Assoupit la douleur, réueille le plaisir, Et soit qu'elle se hausse, ou qu'elle s'adoucisse, Qu'elle croisse en vigueur, ou qu'elle s'alentisse, Tousiours des malheureux elle allege les fers, Et loge vn Paradis au milieu des Enters.

Si tost qu'il s'apperceut qu'on luy prestoit silence Et que de ses accords on goustoit l'excellence; Voicy comme il messa d'vne docte saçon Sa priere à sa plainte en sa triste chanson. Voicy de quelle sorte il forma sa harangue; Où son cœur assigé se sondit sur sa langue; Et faisant éclater ses mortelles langueurs, Respandit la pitié dans tous les autres cœurs.

## ががれれれれれれれれれれれれれれれれれれ

Monarque redoute qui regnes sur les Ombres, le ne suis pas venu dessus ce riues sombres, Pour enleuer ton Sceptre, & me faire Empereur De ces lieux pleins d'horreur.

En mon pieux dessein ie n'ay point d'autres armes Que les gemissemens, les sous pirs & les larmes, Auec tous les ennuis dont peut estre chargé Vn Amant afflige.

Aussi ie ne descens dans ce grand precipice Que pour te demander ma sidelle Euridice, Que la Parque rauit à mes chastes amours, En la seurde ses jours.

S iij

O Dieux! ie la perdis en la mesme sournee'
Qui nous auoit rangez sous le joug d'Hymenée;
Au lieu d'entrer au lit, ce Chef-d'œuure si beau
Entra dans le Tombeau!

Cette ieune Beauté par les vertes campagnes, S'égayoit en courant auecque ses Compagnes, Lors qu'elle rencontra l'Auteur de son trépas Caché dessous ses pas.

Vn serpent plus cruel que ceux de tes Furies, Qui me sloit son émail à celuy des prairies, D'vn trait enuenimé la mit dans le corcueil, Et moy dans ce grand dueil.

Helas! ie la treuuay telle qu'est vne souche; En vain i'allay poser mes levres sur sa bouche, Car desia les esprits de ses membres gelez, S'en estoient enuolez.

Que deuins-ie à l'objet de sa passeur mortelle? Ie sus si fort surpris, & ma douleur sut telle Qu'il faut estre sçauant en l'art de bien aimex Pour le bien exprimer.

Depuis cette cruelle & fatale auanture
Il ay tousiours de mes pleurs mouillé sa sepulture;
Sans pouuoir faire tréve auecque mes ennuis
Ny les jours ny les nuits.

Amour importunc de mes plaintes tun bres, M'éclairant de sa flame à trauers des tenebres, Par ton secret auis m'a fait venir icy Te conter mon soucy.

Tu connois le pouuoir de sa secrette flame, Si le bruit n'est menteur elle embrasa ton ame Lors que dans la Sicile vn Miracle des Cieux Parut deuant tes yeux.

On dit qu'en observant sa grace nompareille, Tu fremis dans ton char d'amour & de merueille : Et que tu n'as rauy cette ieune Beaute Qu'apres l'auoir esté.

S'il te souvient encor de ces donces atteintes, Pren pitié de mes maux, pren pitié de mes plaintes Et fay bien tost cesser auecque mes douleurs, Mes soûpirs & mes pleurs.

Ic t'en viens conjurer par ton Palais qui sume Par le nytre embrasé, le soufre & le bytume, De ces sleuues brussans & de ces noirs Palus Qu'on ne repasse plus.

Par les trois noires Sœurs, ces Compagnes cruelles Qui portent l'espouuente & l'horreur auec elles, Et qui tiennent tousiours leurs cheueux herissez D'Aspics entrelassez.

S iiżj

Par l'auguste longueur de ton poil qui grisonné, Par l'eclat incertain de ta rouge Couronne, Et par la Majesté du vieux Sceptre de ser Dont tu regis l'Enser.

Ren-moy mon Euridice, & fay qu'à ma priere Elle reuoye encore vne fois la lumiere; Faisant ressusciter par ses embrassemens, Tous mes contentemens.

Ie ne demande pas qu'en renouant sa trame, Pour des siecles entiers on rejoigne son ame A cet aimable corps cruellement blessé, Qu'elle a si tost laisse.

Sculement qu'elle viue autant qu'vne personne.
Dont la complexion se rencontre assez bonne,
Et qui par trop d'excez ne precipite pas
L'heure de son trespas.

Sans cesse les humains en tes Estats descendents,
Par cent chemins diuers à toute heure ils s'y renden.
Et nul homme viuant quoy qu'il puisse inuenter,
Ne s'en peut exempter.

Quand nous aurons ensemble accomply les ann'e Que nous aura marque la loy des Destinées, Nous viendrons pour iamais en cet obscur sejour Demeurer à ta Cour.

EENC

Laisse-moy donc là haut ramener cette belle; Ou permets qu'icy bas ie demeure auec elle, I'auray peu de regret au bien de la clarté Prés de cette Beauté.

Les graces d'Euridice à mes yeux exposées, Me tiendrot tousiours lieu des doux champs Elisees? Et pour moy, son absence a des feux & des fers l'ire que les Enfers.

Au son de cette voix des esprits respectée,
Ixion pour vn temps vid sa roue arrestée.
Sisiphe en oublia de tenir son rocher,
Tantale cette soif qu'il ne peut étancher;
Et les cruelles Sœurs, les sieres Danaïdes, [des:
Ne s'apperceurent pas que leurs seaux estoient vuiTytie en ses douceurs abysmant son ennuy,
Sentit moins sa douieur que la peine d'autruy:
Et l'immortel Vautour qui luy ronge le soye,
Suspendit ses rigueurs, touché de mesme toye.
La Parque en ces Ciseaux, Ministres du trespas,
Tint vn sil deuidé qu'elle ne trencha pas;
Tandis que cette voix, dont elle estoit raute
Auec tant de douceur demandoit vne vie.

Rien ne sceut resister à la compassion,
Tout se trouua touché de cette émotion,
Et les Esprits sans corps amolis par ces charmes,
Eux qui n'ont point de sang en verserent des larmes.
Mais leur impitoyable & cruel Souuerain
Qui comme son Palais a le cœur tout d'airain;
Luy qui se rit des maux qu'on luy peut faire entedre.

Ne sceut parer les traits d'vne pitié si tendre si Et de ses tiedes pleurs mouilla le poil chenu Que l'on void herisser sur son estomac nud. Il pleura l'implacable, & d'vn signe de teste Accorda sur le champ cette iuste requeste. Euridice parut par son commandement, Et vint ietter ses bras au col de son Amant: Qui transporté d'amour dans cette ioye extreme, Ne se peut retenir de l'embrasser de mesme.

Heureux en ses destins, s'il se sust maintenu
Dans vn ressentiment vn peu plus retenu;
Il auroit preserué le sujet de sa ssame,
Du second coup donne sur sa seconde trame,
Mais son desir actif, ennemy de son bien,
Fit qu'en obtenant tout il ne posseda rien.
Il ne peut accomplir la seuere ordonnance,
De marcher deuant elle à trauers du silence,
Sans que sur son visage il destournast ses yeux,
Iusqu'à ce qu'il eust veu la lumiere des Cieux.
De son impatience il ne seeut estre maistre,
Et la voyant trop tost, il la sit disparestre;
Elle sur ramenée en ce suneste lieu,

"Et n'eut rien que le temps de luy crier, Adieu.

22

22

Q

D

Et

AL

, Adieu charmant Orphée, adieu ma chere vie, C'est enfin pour iamais que ie te suis rauie.

,, Par ce transport d'amour, tout espoit m'est osté

" De reuoir du Soleil l'agreable clarté.

" Ta curiosité trop peu considerée,

, Me remet dans les fers dont tu m'auois tirée.

", Pourquoy du vieux Minos n'as tu garde les loix

"Et temperé tes yeux aussi bien que ta voix?

" O faute sans remede! ô dommageable veue!

215

7, Auec trop de trauaux tu m'auois obtenuë:

", Mais ie pren tes regards & ma fuite à tesinoin,

"Que tu m'as conseruée auec trop peu de soin.

2, Que dis-ie toutefois? mon iugement s'égare;

,, Puis que c'est seulement ton soin qui nous separe:

"Tu craignois de me perdre en cette sobre horreur,

"Et cette seule crainte a produit ton erreur:

"De ton affection ma dilgrace est éclose,

"Et si i'en hay l'effet, i'en dois aumer la cause.

"Encore que tes yeux me donnent le trespas,

" Cette atteinte me tue & ne me blesse pas:

"Ta foy, charmant Espoux, n'en peut estre blâmées

" Tu n'aurois point failly si i'estois moins aimée:

" le me dois consoler de ne voir plus le iour,

"Puis que c'est par vn trouble où i'ay veu to amour.

"Cosole-toy de mesme & ne plains point ma cendre

"Dans les torrens de pleurs que tu pourrois epandre:

"Ne va point abreger le beau fil de tes iours,

"Les Destins assez tost en borneront le cours.

"Le Ciel est equitable, il nous fera iustice;

" Tu te verras encore auec ton Euridice:

"Si l'Enferne me rend, la Parque te prendra,

"L'Amour nous desvnit, la Mort nous rejoindra;

"Il faudra que le Sort à la fin nous rassemble

Et nous aurons le bien d'estre à iamais ensemble. Ces doux & tristes mots à peine elle acheua Que comme vn tourbillon quelqu'esprit l'enseua.


Le timide Berger qu'vn éclat de tonnerre, Du vent de sa passée a ietté contre terre; Et qui void de ce coup vn Chesne terracé, Au prix de cet Amant n'a point le sang glace.

## 216 L'ORPHEE DV S'TRIST.

Celuy de qui la voix sceut animer les marbres, Retenir les Torrens, faire marcher les Arbres, Et mesme retirer les morts du monument, Se treuue à cette voix, priué de sentiment. La merueille est si grande où ce malheur le plonge Qu'il en mescroit ses sens, & le tient pour vn songe, Pour vn Fantosme vain de ses vœux ennemy, Et tasche à s'éueiller comme vn homme endormy. Puis comme il reconnoist sa disgrace plus vraye, Son cœur se sent percé d'vne mortelle playe; Il tombe de son haut, de foiblesse & d'ennuy, S'accuse de sa perte, & s'en venge sur luy. Mettant cruellement ses ongles en vsage, Il en punit son poil, ses yeux & son visage; Abandonne son ame à ses viues douleurs, Esclate en cris perçans, & se débonde en pleurs.

En vain pour adoucir cette dure sentence, Il veut de son erreur faire la penitence: Il a beau s'affliger, conjurer & prier, Il ne gagne qu'vn reume à force de crier; Et n'ayant plus de voix pour forcer le passage, Il perd en mesme temps l'espoir & le courage.

FIN.



## Les baisers de Dorinde.

### SYLVIO parle.

A douce haleine des Zephirs

Et ces eaux qui se precipitent;

Par leur murmure nous inuitent

A prendre d'innocens plaisirs.

Dorinde, on diroit que les slâmes

Dont nous sentons brusser nos ames

Brussent les herbes & les sleurs;

Goustons mille douceurs à la faueur de l'ombre,

Donnons-nous des baisers sans nombre,

Et joignons à la fois nos levres & nos cœurs.

#### E003 [0003]

Quand deux Objets également
Soupirent d'vne mesme enuie;
Comme l'amour en est la vie,
Les baisers en sont l'élement.
Il faut donc en faire des chesnes
Qui durent autant que les peines:
Que ie souffre soin de tes yeux;
Amour, qui les baisers ayme sur toutes choses,
Fait vne Couronne de roses
Pour donner à celuy qui baisera le mieux.

O que tes baisers sont charmans!
Dorinde, tous ceux que tu donnes
Pourroient meriter des Couronnes
De Perles & de Diamans:
Cette douceur où ie me noye
Force par vn excez de joye
Tous mes esprits à s'enuoler

Mon cœur est palpitant d'vne amoureuse sievre,

(600) E000)

Et mon ame vient sur ma levre Alors que tes baisers l'y veulent appeller.

Par vn noir effet de l'Enuie,
Tes baisers luy rendroient la vie
Et rallumeroient son flambeau:
Leur aymable delicatesse
A banny toute la tristesse
Qui rendoit mon sens confondu:

Mais vn Roy dethrosné par le malheur des armes,

foxo 60003

A la faueur des mesmes charmes Se pourroit consoler d'vn Empire perdu.

> La manne fraische d'vn matin N'a point vne douceur pareille; Ny l'esprit que cherche l'Abeille Sur la Buglose & sur le Thin. Le meilleur sucre qui s'amasse Et que l'Art sçait reduire en glace; N'a point ces apas rauissans;


Et mesme le Nectar sembleroit insipide

Au prix de se baiser humide Dont tu viens de troubler l'ossice de mes sens. £0003-£0003-

Aussi les plus riches tresors
Qu'on tire du sein de la terre;
Et que pour engendrer la guerre
L'Ocean seme sur ses bors.
L'or & toutes les pierreries
Dont nous prouoquent les Furies
Pour enuenimer nos esprits.

Bref tout ce que l'Aurore a de beau dans sa couche

Au prix des baisers de ta bouche Sont à mes sentimens des objets de mespris.



THATERNET END THE RESIDENCE OF THE PARTY. A PROPERTY OF LAND OF LAND Labra and the property of the property of the party of th

